

AUSPICE ET DUCE DEO!
EXERCITIUM PHILOSOPHICUM.

THEMATA

NONNULLA MISCELLANEA
COMPLECTENS;

Quod

Consentiente Amplissimo Senatu Philosophico,
In Illustri Regia Academiâ Aboënsi
Sub PRÆSIDIO
Viri Præcellentissimi

M. JACOBI FLACHSENII,
Log. & Metaph. Profess. celeberrimi,
Præceptoris & Promotoris devotâ
mente colendi,

Liberalis specimenis gratia,
Examinandum proponit

ERICUS JOH. ESSEVIUS,
O Bothn.

In Auditorio Maximo,

Ad diem 17. Maji, Anni 1679,
horis ante meridiem convetus.

ABOÆ,

Excusum apud Viduam Hansonii.

D. Hanseen

Sacrae Reg. Maj.

Regnique Sveciae Viro Fidelissimo
Generoso & Nobilissimo Domino

DN. DIETERICO Wrangell/

De Adonell & Jordansbn / &c.

Bothniæ Orientalis Dynastæ splendidissimo,
Domino meo gratioſiſſimo & Patrono
benigniſſimo.

ut &

VIRIS perquam Reverendis, Clarissimis,
Venerandis & Doctissimis:

DN. JACOBO BRENNERO, Pastori
& Præposito Cronebyensi meritissimo,
Promotori & Nutritio meo Parentis loco
reverenter colendo.

M. LAURENTIO Preuß/ Pastori Pedersö-
rensi vigilantissimo, fautori & benefactori
meo propensissimo.

M. JOHANNI CARLANDRO, Pastori
in Pihäjek laudatissimo, Præceptor olim,
plurimum honorando.

M. ISAACO FALANDRO, Pastori
in Vet. Earleby attentissimo, optime de
me merito.

DN. JOHANNI ESSEVI O, V. D. Præ-
coni & ministro in Ecclesia Lappjewensi
emerito; Parentimeo obsequio filiali æter-
num colendo.

Exercitium hoc exiguum de vota mente
& manu offero

E. J. E.

Ad LECTOREM Candidum,
cui Salus.

Siquidem L. C. non exiguo temporis
tractu à palestrâ literaria rematus,
inter ruralia propter inopiam degene-
re commorari coactus sum, ut Musis pridem
mibi benignis invisus, eorumque Patronis &
cultoribus non immerito ignotus fuerim. Hanc
igitur panitendam sortem mecum seriâ esti-
matione pensans, non dubito fore aliquos,
qui non parū admirabuntur, quâ confidentiâ
ego ductus, tam ambigui fati labore suscipere
& in campum literatiorem varijs adornatum
disciplinarū floribus descendere ausus sim. Sed
non tam metuendam existimavi rigidam eorū
censuram, quam potius obtemperandum be-
nevolorum voluntati, qui cum Musis mihi in-
gratiam vel bac ratione redeundum esse suau-
sores & instigatores fuerunt: Eorum igitur
suasu & constilio, omissa dubitatione, que
cum ante conflittatus sum, themata non nulle
ex amoenissimo rosario philosophiae decerpsi; que
licet frequentata sepius transalpinam non
sapiant eruditionem, aut à me delicatis vesti-
ta sint ornamenti; digna tamen esse ju-
dicavi, in quibus ingenij vires bac vice peri-
clitarer meas, pleniorē eorum expositionem
relinquens illis, qui integrā moliuntur & con-
scribunt volumina.

THEMA I.

Causa Moralis licet non immedia-
tè in Effectum influat, rectè
tamen & verè id illi imputan-
dum est; Quippe causam pro-
ximam ita disponit, ut sequatur
Effectus.

CAUSA efficiens à Metaphysicis in
Physicam & Moralem dividi solet.
Illi propriam causalitatem, verum
quoq; realem & immediatum influxum
in effectum competere in confessio est.
Hæc immediate quidem non concurrit
ad effectum producendum, nihilomi-
nus tamen alios eosque varios influendi
modos arguit; nam disponit & ordinat
causam proximam seu physicam, nunc
directâ intentione lassendo, vel impel-
lendo aliquem ad hoc effectum produ-
cendum; vel etiam omissendo aliquid
& non impediendo ut sequatur effe-
ctus; atque sic eam cum ipso volendi
actu efficaciter & positivè conjunctam
esse patet. Nunc *indirectâ intentione*, sci-
licet quando quis, præter voluntatem
licet,

licet, sciens tamen ita se gerit, ut sequatur effectus, sine quo haud existeret. Species causæ Moralis pro exemplorum varietate determinare difficile est; quas tamen breviter hocce disticho iuris comprehensas apponimus:

*Jussio, consilium, consensus, palpo, recursus,
Participans, mutus, nō ostens, nō manifestans.*

Ad primam igitur speciem referimus.

1. *Mandantes*, qui vel expresso jussu, vel verbis & tacitis quibusvis signis quempiam ad perpetrandum aliquid alliciunt & impellant. Exemplum hujos speciei nobis præbet *Saul*, qui per Doëgem Edomatum 8. sacerdotes in urbe sacerdotali Nobe è medio tolli curavit, I. Sam. 21. & 22. Atque hinc apparet eum, qui mandato procurat cædem, ejusdem causam verè & realiter quoq; esse.

2. *Consulentes*, qui consilium dant aliqui, svadent ac dissuadent aliquid, hoc videlicet agendum, illud vero omittendum esse; nec non prævia ad id subministrant adminicula quo felicius & facilius actus sequatur; vel è contra mediâ

& instrumenta quibus effectus malus ad
verti & impediri posuisset subtrahere ac
removere adlaborant. Sic Achitophel
reprehensione minimè liberatur, qui
consultor erat, ut Absalon iniq; prorsus
& contra omne jus & æquum perseque-
retur Patrem suum Davidem. Pariter
qui consilium præberet furi nocturno,
quo pacto & quibus adminiculis posset
proximi bona auferre, non potest non
causa furti licet mediatè pronunciari.

3. *Consentientes* qui consentiunt & ple-
no applausu feruntur in bonum vel ma-
lum; qui que promovere uituntur a-
ctionem justam & laudē dignam, seu, à
justo alienam & indignam, sive de hoc
rogati fuerint sive non: proclives enim
sumus plerumq; affectibus occæcati ad
præbendum alienum nostrum, ante-
quam ad justi rectique normam, ratio-
nem provocamus. Estq; *Consensus* iste,
nunc *directus*, ut si quis irâ servente ho-
mini ad cædem committendum instru-
mentū traderet: Nunc *indirectus*, quan-
do quis, per crebrum in se affectuum
dominium, habitum induerit malum,

ut in **insurgentibus** affectibus sui impotens
sit, quibus eum ante reluctari oportu-
isset eosque refrænare.

4. *Palpones*, qui nimiâ conniventia &
indulgentia habenas laxant quibusvis
in actionem propendentibus ac plenis
passibus pergentibus; sic alacriores red-
duntur multi ad tentandum & in esse
cum deducendum id, à quo tamen ju-
sta severitas cum auctoritate ac potesta-
te conjuncta eos absterrere debuisset.
Sic ubi magistratus membra reip. non
continet intra suos limites, sed propter
lægationes aliasq; illecebras ea exspa-
tiari sinit, ad eorumque licentiam con-
nivet, ibi rectitudinis & honestatis po-
mæria transiliuntur atq; reip. interitus
acceleratur. Idem judicium esto de pa-
rentum nimiâ indulgentia in liberos,
quam juri legitimo & rectæ educationi
præponunt, sicq; eos planè inutiles red-
dunt: Exemplo sit Eli, qui in ipso sce-
lere deprehensos filios justo zelo nou-
increpuit: 1. Sam. 2. 23.

5. *Patronos* ac *defensores maleficorum*,
sceleratorum & improborum; qui asyli loco

sunt raptoribus, furibus & colluviei vi-
ciis quibusvis scatentium ac notatorum,
donec eorum crimina sceleraque dete-
cta fuerint. Quibus receptorum poena,
ab Iesu est proposita & constituta.

6. *Participantes*, qui malorum consi-
liorum vel actionum illicitarum, vitio-
sarumque participes se faciunt; ut, qui
in rem suam consulere volunt eamque
ex alterius illicito ac inordinato pro-
cessu, augere & locupletare.

7. *Non obstantes* vel *impedientes factum*,
scilicet qui non impediendo, cohiben-
do & occasionem præcludendo fieri a
liquid permittunt, cum tamen id præ-
stare tenebantur; vel etiam officio suo
non satisfaciunt, neglectione, dilatione
& procrastinatione. Sic, Nauclerus vel
perebrietatem, vel somnolentiam aliaq;
ejusmodi, est causa moralis submersæ
navis. Alias non addimus species,
quæ si plures reperiri possint, ad has
commode referri posse putamus.

THEMA II.

Polygania, quam Deus in Patri-
bus

bus Vet. Test. toleravit, nunc
non est acceptanda vel intro-
ducenda.

Ut cautè progrediamur, observan-
dum est, *Polygamiam* juxta eruditos,
Essē vel *Successivam*, cum alteri personæ
conjugali fato concedenti alia surroga-
tur, de qua hic nobis sermo non est:

Vel *Simultaneam*, quando plures per-
sonæ quam duæ societatem conjugalem
actu ipso ineunt. Quæ porro dispesci
folet *In aequalē*, quando maritus unus
plures simul ducit uxores: Et *In aequalē*,
quæ uni uxori legitimæ plures superad-
dit & adjungit pellices; quod ratione
dignitatis intelligendum est, & in hanc
nos præcipue oculum intendimus.

Denique discriminē facere solent,
Inter mutuam, quâ velut uni marito ad-
sciscere plures uxores, sic vice versa,
uxoribus nubere pluribus maritis con-
cessum putatur. Et *Non mutuam*, quâ
marito creditur licitum esse sub specie
juri habere plures uxores, his vero non
item. Quicquid sit, nos omnes hasce po-

Iygamiae species præter unam existimamus illicitas esse & minime probandas; idque ob rationes sequentes; ergemus enim,

1. Primam conjugii eamque divinitus in statu integratæ propositam & exhibitam institutionem: quæ describitur Gen. 2. 18. 21, 22, 23, 24. ubi ostenditur duas tantum personas factas esse in carnem unam; & ne quis de hoc dubitet, addit Christus institutioni illi robur, repetendo eandem, Matth 19. 3, 4, 5, 6. Præterea etiam Paulus de una uxore in singulari loquitur, Rom. 7. 2. 1. Cor. 7. 2. 10. 1. Tim. 3, 2. addatur Ps. 128. 3. & dictu Pauli 1. Cor. 7. 4. Quod improbat ~~πλυγαμίαν~~ tanquam rem minus licitam & legitimo matrimonio aduersam.

2. Legis moralisive Decalogi præceptum sextu ubi aperre dicitur: Non mæchaberis; in quo adulterium significat quamvis illicitam commixtionem extra legitimu conjugium: ex cuius præcepti vi atque rigore nobis dispalescit matrimonium non esse cum quibusvis pro lubitu & promiscuè contrahendum.

3. Gen.

3. Gentium morationum constantem consensum. Romanis non nisi unicam uxorem ducere receptum & solenne erat; ideoque etiam illis ita displituit polygamia, ut infamia notarentur illi, qui plurium uxorum nuptias ambitent: videri potest Cic. in Orat. ad Verr. quomodo hoc nomine arguit Asiaticos. Aristoteles non tantum in politicis sed alibi quoque passim in scriptis suis eandem reip. noxiam esse testatur. His adjungimus Euripidem & Sophoclem, indicantes salvâ honestate polygamiam non posse consistere: quippe honestum non est virum esse Dominum duarum conjugum. Et quamvis nonnullis populis, ut Persis, Indis, Græcis, usitata fuerit polygamia, hanc tamen non naturæ, & institutioni, sed pravæ conuictudini & gentium imitationi, cum meliorum & prudentiorum detestatione, sua incunabula debere liquet.

4. Fines matrimoniales sive Cōjugii: quorū a. Procreatio sobolis, ad quam, duas sufficere personas, nullus negare sibi præsumat.

B. *Mutuum adjutorium*: Si unus manus ad plures se applicat mulieres, affectus ille maritalis cum divisione diu persistere non potest, sed inde oriatur animorum distractio & amor iðafīs seu aquosus, atq; sic vel tardius adjutorium in rebus difficilioribus vel etiam plena mutui adjutorii dissolutio ; qui enim multa curat multa negligit.

γ. *Pia ac sedula sobolis educatio*: quam enim difficultatis ac molestiae plena isti liberi coguntur subire vitam, qui alterutro orbati sunt parente post secundas nuptias, non existimo quenquam lateres cura namque illorum fermè indies languescit : quantam quæso vim incommodorum secum tractura esset maritum ac conjugum multitudo ?

δ. *Typus conjugalis cum Ecclesiâ*; ardenterissimo siquidem amore Christus unicam tantum sponsam Ecclesiam suam sanctam complexus est, & ex latere suo ædificavit : quis non videt Typum debere respondere antitypo ?

ε. *Vox incommoda, quæ secum habet sæpius iterata Polygamia simultanea*. Hæc inter

integ^e conjuges invicem liberosque, jurgia, rixas, contentiones, &c. disseminat. Sic, Non sine magno periculo atque danno familiæ Abrahamitæ & offensione uxoris legitimæ Saræ id factum est, quod Abraham adjungeret sibi Agarē & cum ea conueberet, Gen. 16.

6. Originem impiam πλυξαμίας : Ex Caini namq; posteris & quidem Lamecho originem duxit, qui fuit primus Polygamus, Gen. 4. 23. Homo crudelis & homicida. Ex his jam adductis constare arbitror Polygamiam non esse acceptandam.

THEMA III.
Honestate dirigenda est utilitas.

CIC. I. 3. Offic.

Non desunt illi, qui in omnibus ferme negotiis utilitatem honestati & privatum commodum saluti publicæ anteferendum esse autumant, unde saepius hæc verba ingeminari audias, Proximus sum egomet mibi, id est, mihi charior sum, mihi que potius consulere debeo quam alijs: Ter, Andr. 4, l. 12. Verum quo-

quoque illud est verbum, vulgo quod
dici solet; Omnes sibi malle melius quam
alteri. jd. 2. 5. 16. Sed si hoc solum erit
respiciendum; quid fiat de Ciceroniano
hoc dicto; Honestate dirigenda esse utilitas?
quod monet ita querendam esse utilita-
tem propriam, ne proximi negligatur &
honestati vis inferatur. Cic. ait; Omnes
expetimus utilitatem ad eamq[ue] rapimur, nec
facere aliter ullo modo possumus. Nam quis est
qui utilia fugiat? aut quis potius, qui ea non
studiosissime prosequatur. Lib. 3. offic. Plo-
randum est majori aliqua ingruen-
te calamitate ex belli incommodis ar-
etioribus alijsque infortuniis magnum
inveniri proventum Pseudopoliticorum
qui in sola utilitate asylum querunt; quasi
vero honestate non esset temperanda? Si
quid consilii Principi propinandum erit
primas tenebit utilias; haec labantem
temp. eriget ac sustentabit; Haec ad
arma capienda movebit; & si majoris
commodi aura ex pace sufflaverit, haec
justo præponitur bello. Et ut fugo va-
care videatur haec res & honeste geri,
plumis speciosis & coloribus egregijs or-

natur, iniustitiae & adulatio*n*i submixa. Sed si talis concedendus erit processus, si talis ratio status Pseudopolitico*m* sceleribus & vaframentis erecta consistet, quorū res publica? nonne de salute iudicatur patriae? vel quomodo tunc honestate dirigatur utilitas? quam tamen Cicero licet gentilis magnopere & quidem recte hic suadet & urget. Si homo privatus unice suam spectat utilitatem ac querit, neglecta in totum honestate, bono publico, alijsque, quid illi sacrum sanctumque tribuas? fidem & pactionem in illo desiderabis; inde societatis disruptio ac pestis; inde in publicis civitatum ac reip. negotijs meræ turbæ & confusiones: Μηδέροκαν μῆτ ἄλλα μηδὲνος Φροντίζοντες πλὴν ὅπις ἀπολάβωσιν ἀφέλιμον εἶναι.: Ilocr. Orat. ad Phil. Utilitas privata nihil habet pensi fœdus rumpere, fidem datam solvere, bella promiscua, cædes, rapinas & nescio quid non flagiti*m* procurare & prosemicare. Quomodo sic societas ac salus reip. que fidem ac justitiam profuleris habet & habere debet subsistere potest?

Apa-

Apparebelū: nam hanc rapacitatem, quæ
suo ventri solum servire dictat. Viro
igitur prudenti & rerum civilium perito
incumbit, ut ad usum & utilitatem reip.
omnia referat, ita tamen ut honestatis
serventur limites. Quia & omnia so-
cietatis ac reip. membra, quibus præter
lumen rationis verbi divini lux inno-
tuit, non solum sibi se natos sed & aliis,
agnoscant, eumq; in finem à Deo con-
ditos, ut eum ament, illi cultum præ-
stare debitum assimilique querant,
non sordidæ utilitatis aucupio non po-
lypi ingenium induendo, non per a-
stutiam cæterasque Pseudopoliticorum
artes, sed præcipue per honestatis rati-
onem & exercitium, quod leges præce-
ptaq; rectæ rationis nobis præscribunt,
scilicet ut pactis satis fiat, jusjurandum
non violetur, justitiae cultura exercea-
tur, &c. Omnes quidē homines à natura
id habent ut in societate, in rep. in civi-
tate vivere ament, jam autē sola ista vita
socialis omnia nondum absolvit, sed re-
quiritur insuper, ut bene, feliciter & u-
tiliter vivatur, hoc est honestati & bonis

moribus congrueret; ergo sic non sola utilitas sed etiam honestas in communi vita servanda est. Felicem aestimamus civitatem & temp. ex internâ honestatis vi, puta si singula membra ad Dei iutum & normam rectæ rationis temperare affectus actionesque suas moderari didicerint; fidem colere, justitiae, probitatis, pietatis, cæterarumque virtutum potissimum habere rationem & non soli utilitati inhiare maturaverint. Hæc enim est illa honestas à qua ne unguem quidem latum discedere debemus, si modo utilitatem ac felicitatem nobis polliceri velimus. Discamus igitur honestate dirigere utilitatem.

THEMA IV.

Recta ratio brutis non competit.
ID cuivis in Philosophiæ practicæ studio non planè hospiti constat vel in proclivi omnino esse debet, hominibus post lapsum rectam rationem reliquam esse, hoc est rectum intellectus judicium de rebus sive naturaliter notis sive ex principiis istis & lege innatâ legitime deducitis tam in theoreticis quam practicis.

An

An vero eadem brutis quoq; tribuenda
sit, res est majoris deliberationis & in-
dagnis, cum id adstruens laborem am-
biguifati aggressus esse videatur. Si bru-
ta intuemur attentius, speciosa pariter ac
plausibilia rationis virtutumque simula-
chra, indicia & imagines haud obscure
referunt. Mirari enim subit, unde sa-
gacitas illa, solertia docilitasque in ad-
diuendis artibus, in quibus humana in-
dustria saepè deficit, proveniant. Pieta-
tem etiam brutorum, fidelitatem amo-
rem in fœtus suos, similitudinem forti-
tudinis temperantiae, &c. Historiæ ani-
malium passim nobis commendant.
Atque propter stupendam hanc naturæ
viam in brutis se exterentem, existimò
multos ex antiquioribus & recentiori-
bus non paucos huic sententiæ propen-
disse, bruta non esse rationis expertia
sed intelligentiaz ac scientiæ capacia.
Interim tamen, cum rectam rationem
peculiaris privilegii loco à Deo homi-
nibus concessam esse noverimus, & hâc
præstantiæ dignitatisque prærogativa
sopra despicabilem brutorum conditio-

nem

vem eosdem elevare voluit, non dubitamus asserere, *Primo* rationem rectam constituere differentiam inter animalia ratione gaudentia & bruta. Deinde de nullâ aliâ creatura, nisi de homine hoc dici potest, quod ad imaginem Dei sit conditus. Dêniq; non leviter profecto impingerent illi tam in Experientiam quam excellentium vitorum effata, qui dicere & adstruere vellent bruta rationis lumine summum hujus universi conditorem & architectum investigare posse: quod hominis rectae rationi relictum esse profitemur. Operationes quoque rationis, utpote numeratio, honestorum & turpiorum discriminatio; astrorum ac syderum contemplatio negant rationem rectam brutis competere.

THEMA V.

In bello spernenda sunt vitæ pericula salute communi id postulante; quippe virtute bellica inclutos ipsa mors nobilitat.

Dum pacis otio fruuntur homines, belli incommodis atque tumultibus

exulantibus; non raro audiasse vendi-
tantes Simones, Alexandros, Julios, &c.
ubi vero belli adventum prægnoscunt,
metuunt, & si hoc quicquid est aleæ ten-
tandum est, fugiunt: vides, cujusmodi
domi boves, foris vero oves. Valet
quoq; hic illud Vegetianum: *Dulce bellum*
inexpertis, manigen falar dierest omnia
Fahran/nár han ár fierran. Verum
illi qui longâ exercitatione militari, arte
& marte celebritatem sibi acquisiverunt;
non tam verbis auratis ac tumidis, quam
opere ipso suam ostendunt virtutem;
& si negotium illis erit cum hoste de
re temp. concernente, non tam vitæ
suæ quam publicæ consulunt saluti, hanc
inter sua signa & ornamenta præcipuum
judicant: & quo quælo sine miles ga-
leam induit & armatus incedit, nisi ut
officij sui partes expletat & in Natione
suâ maneat, cum opus est & res postulat;
pugnandum enim est more Macedo-
num; quibus nulla in pedibus spes, sed
in lacertis erat. Qui vero militum ita
se gerunt periculis obvenientibus, illis
præmia, opes, potentia, clari nominis
fama

fama & immortale decus merito decer-
pitur ac tribuitur. Ubi vero mors se
obviam præbuerit, neque illa generosi
ac magui animi militem à statione suâ
pro procuranda salute publica dimovere
valet. Nam per decus mori melius est,
quam per dedecus vivere: Sallust. id-
que non dixerim quantum intererit;
Novissimum spiritum per ludibrium & con-
sumelias effundas, an per virtutem. Tacita-
3. Hist.

THEMA VI.

Copula non est pars Enunciatio-
nis seu Axiomatis, nec Tropum
sustinere potest.

Quod prius attinet; non diffiteendum
est, copulam est necessariam utique
esse ad connectendum duos terminos ma-
teria axiomatis constituentes; & quam-
vis id munus peragat, non tamen con-
cedimus eandem esse partem Materi-
alem, quippe illam absolvunt duo ter-
mini, uti dictum; Neque Formalem, quia
hæc est terminorum legitima conjunc-
tio & dispositio; nam quod prædica-
tum

tum cùm subjecto connectit, non magis pars est prædicati quam subjecti; ut eruditè docet celeberr. in Acad. Patr. Prof. Præolariss. M. Jacob. Flachs. in Colleg. suo Log. part. 2. c. 2. sect. 2. qv. 6. Quod posterius concernit, notum est copulam nihil significare, id eoq; propriam suam significationem non potest amittere, & aliam induere; quam cum non habeat, frustra igitur ibi tropum quæras'.

THEMA VII.

Propria à subjectis suis separari possunt per potentiam obedientialem respectu infiniti agentis.

Propria hic intelligimus, quæ accidentia prædicamentalia sunt: ea sine contradictionis periculo possunt separari esse à suo subjecto, quoad essentialia constitutiva, salvo manente: 1. Quia id non implicat contradictionem: 2. Quia ubi datur realis distinctio, ibi datur possibilis separatio, &c.

SOL DEO GLORIA.

Ad Virum Juvenem.

Præstantissimum & Humanissimum

DN. ERICUM ESSEVIUM, O Both.
Regiæ hujus Universitatis Civem dexterimū,
publice docteque disputantem:

Nonnetuis plaudam doctis conatibus hisce
Essevi juvēnum flos charitumq; decus;
Qui cathedrā Scandens nunc prompto sole vere
Judicio, dubias ipse met arte plicas. (pergīs
Quæ promis doctos multum hac quæsita fati-
Hinc studiū laudant ingeniūq; tuū. (gant:
Te vigilem misit nobis Upsalia civem
Excepitque alaci temet Aboā sinu.
Svadeo cur pergas sacras celebrare Camenās,
Ut capiat fructus patria dulcis, age!

Gratulationem hanc subita-
riam honoris ergo
transmisit

JACOB. FLACHSENIUS.

Aξιονέπαινεν τὸν σῆμα σκοπὸν φίλε πριώτε
κύριε Ἐρρίκε Ἐστεφάνε, μάλιστα μὴν ὅπ
τῷ σῷ ωρθοδόξῳ γεγονότι ἐπίδειξιν ποιεῖς ἀληθὲς
εἴναι ὅπερ λέγει Πλάτωνος: Πενία καὶ δόλος
γυμνάσιον ἀρετῆς ἔμπειρον δέιν. Ορθῶς καὶ
νανεχόντως. οὐ γὰρ πενία τρόπων δέιν διδά-
σκαλος καὶ τῶν ιδιώτων παιδεύης ἀρετῶν,
πλάτος δὲ κακίας μᾶλλον οὐ καλοναγκασίας
ὑπηρέτης δέιν, ἐξαστίαν μὴν τῇ φαδυμίᾳ ωρθο-

σκευ-

σκευάζων, οἵπας οέ τὰς ἡδονὰς τὰς νέας περιβολαῖς.
Σπεῦσσον ὡς ἔργῳ τῷ πολλῷ πιεῖ
θεῖ τὰς ἀποτέλεσμας, καὶ πλεῖστον περιβολαῖς ἀρετή,
ἀπιδώσεις καὶ περιβολαῖς αἴτιοις ἀπαστον εὔδο-
κημάσεις.

Eρόωσ.

Ἄσμένως πλοεψίης

ERICUS FALANDER,
Græc. & Hebr. L. P. P.
h. a. Fac. Phil. Decanus.

O Mnia si perdas, animi tua dona manebunt,
Nec poterunt ullis ista perire modis.
Intonat artis iners: querenda pecunia primū;
Tu primum nitidæ mentis amœna paras.
Forsan εἰ antè ubi sat dives gaza patebat,
Si, positis studiis, hanc sequerere prius;
Sed quis tu vitam patriaque Deoque sacrast?
Non poterat gressus hæc revocare tuos!

Amico optimo præclaram mén-
tem & egregios profectus
L. Mq; gratulatur, licet
subito,

OLAVUS LÄURÆUS.

A Sidiuus terram subigit dum vere colonus,
Semine de sparsa semina multa refert:
Sic quoque tu vigili curâ juvenilibus annis
Invigilans Musis, præmia multa refer!

Fraterno affectu tantillum fe-
stinus adjecit

JACOBUS ESEVIUS,